

仲蔚先生集

仲蔚先生集卷之四

蘇軾先生文集卷之四

七言古詩

金陵篇

江南佳麗地金陵帝王州嘗聞謝朓為此曲我
欲竟此令人愁憶昔秦皇恣驕侈千古爭雄鬪
淮水未衣辛苦三千人不及蓬萊身已死當時
望氣復占季六代興亡事可憐一旦雄圖若沃
水五城蕪沒埋荒烟烟卷三月流鶯嚙撲地香

林盡天苑結綺臨春空復情景陽鐘散臺城晚
傷心鉛粉共灰塵百斛流脂瀉水銀碧館金臺
歌舞地季季草色倍傷神詞臣舊住清谿側江
沈風流難再得謝家春草今何如令人却憶平
原宅孫楚城西酒樓客桓伊好吹柯亭笛山中
宰相松間風謝安自有東山奕長蔬隱士北山
中鶴書一赴蕙帷空只今惟有移文在清猿哀
怨何時窮文采豪華不復存自是昏庸曆數屯
由來虎踞龍蟠地今日承乾有 聖人聖人神

武一朝征定鼎山河萬國寧全憑寶勢開天邑
鬱作金城遶帝京天邑帝京連帝里丹宮璧殿
天中起宮餘百數殿千重異色參差望成綺七
萃連營禁衛尊列侯甲第俯朱門虹旗錦簇齊
天仗玉道香留碾繡輪微道周廬迴地軸提封
百萬分侯服重譯遙通百蠻貢千品來朝九州
牧聲名文物盛陽春寶契無為德澤新廣樂鈞
天貽景祚謳歌率土奉還淳端拱垂旒御區宇
共識承恩有真主旋聞厭代忽登遐鼎湖一去

成千古千古登遐事已仙時時佳氣遶龍阡冠
蓋如雲奉陵邑長瞻法座仰堯天憶昔家居薄
游此余亦童年繞一紀朝看導騎滿長安暮聞
擊柝傳三市長安三市控繁華城里權門意氣
奢鐘鳴鼎食金張館饌玉炊金許史家公子王
孫驩不足還向娼樓夜中宿琥珀杯深脫紫絨
芙蓉帳暖銷銀燭玉局彈棋不論錢花塲蹴鞠
關芳年鳳凰臺下千金騎馮瑤山前七寶鞭俱
邀少娥芳草偏笑比紅顏拾花片更憐月色滿

長干櫓引簫聲促高宴秦淮五月天氣清楚俗
相傳弔屈平共泛龍舟乘浪轉競移蘭棹向潮
迎疊鼓華翰望標入夾水新妝相對出須臾
氣結婆城髣髴犀光照鮫室增竒特妙在茲辰
迴雪行雲詎可論驩娛未盡欲歸去更待明年
淮水濱春去秋來不相待富貴驩娛有遷改黃
金散盡顏色裏桑田屢變成滄海鄭莊門館日
飄零翟尉交情見死生蔡澤還傾應侯相魏其
不及武安榮以茲感歎傷懷抱梁父長吟對秋

草氣凌五岳三十春身披短褐非有道遠屋扶
踈仲蔚居貧病長辭友賜車袖裏曾無賣金賦
枕中惟有煉丹書世道由來多倚伏天骨自然
甘寂寞何時移向鹿門山松迳烟扉任棲託

楊花落

春風吹人氣妍和楊花落水生綠波少年幾時
逐事淺白日易晚傷蹉跎袖中有書不肯上五
侯門前曾未過燕丹市裡堪擊筑酒酣樂極哀
情多哀情多可柰何昔日豪華勢莫敵朱樓綺

食揚清歌東方欲曙宴仍起薦地一一紫錦羅
博山鑪中灰亦寒累累冢上生蓬科哀亦不可
盡樂亦不可常蓬萊之山路渺茫此中室有長
生方何人不死至今在我欲共看天地長君不
見人生萬事劇流水莊周至此齊彭殤

桃源行

武陵溪深谿谷斜人家避秦多種花
桃花春發片片還落秦人家地沒反無
猿狖生但有雞犬連桑麻白雲飛來復
飛去山裏人家幾

家住當時捕魚何處歸歸去還尋復何處始知
人在淡山裏世人遙望空雲樹

胡笳曲

長風吹高海底月半落沱河色如雷胡笳寫出
隴頭聲千聲萬聲吹不歇此時都尉兵初盡此
夕單于陣方結沸地黃沙凍欲牢連天白草燒
難熱玉筋啼還徧紅顏坐相訣楊柳曲中離別
久梅花管裏音書絕胡笳本是從胡起曲曲緣
雲咽流水飛入重城怨已淡聽臨遙塞愁應死

誰知沙畔捲寒蘆一曲能消膽氣虜更使胡維
雙淚落萬聲嘶月過飛狐

寶劍篇

吾聞龍泉太阿之寶劍此物往往鍾神英人間
得名千百載國內惟有徵求兵昆吾之穎茨山
精銀花繡出霜雪明呈氣朝朝鸚鵡紫龍光夜
夜芙蓉生文章已只清朝貴勛業還為猛將驚
七雄五烈雖已矣報讐報恩心未已非但飄淪
古獄邊亦曾提携楚城裏崢嶸磊落世兩見斷

餘仲華先生集不齊卷四 五
皎刺兒竊西耶天下常令萬事平匣中不惜千
年死朝馳咸陽暮雲中此間未必皆成功但看
古來功名士殺身濺血俱英雄嗟哉神物會遇
亦有以至今升騰變化為飛龍

巫山高

楚國古巫山上有陽雲臺傳有神女何時來楚
王昔日多荒淫神女為之久徘徊徘徊易闌寢
瑤衾亦已開千年夢冷雲不起只今唯有空山
夜月清猿哀

塞上曲

高城秋落黃雲飛，胡人弓箭能射肥黑鷹。
突過百丈餘，白馬萬匹皆新羈。錦袍長袷綺繡襦，
玉帳貂狐捐漢衣。日暮蒼茫共百圍，李廣已死關
兵稀。漢代誰當窮朔漠，何人第一掛勛歸。

銅雀妓

朝登銅雀臺，暮望西陵樹。西陵樹斷高烟平，
歌吹淒涼樵風雨。雨後秋風吹月晴，紅顏難持淚
易傾。武帝遺靈復安在，向帳空餘千載情。

虎丘行

吳王墓前雙石壁翠水沉沉
劍花赤香榆氤氳
遠綠烟玉潭閱證浮青蓮生
公說法開金偈猶
自繁華昔遊地今人繁華異
昔時古人行樂今
人悲古人今人不相識徒使
流鶯淚霑臆

闔雞篇

春風吹花百草香宮鶯曙轉
銅龍光雄陽清明
賜新火天子出入驪山傍
驪山三月春茫茫
平明初入闔雞坊闔雞隆隆
翠塵滿錦肉鱗鱗

毛短狸膏氣濕紫葳蕤紅雲膩血腥羅暖天子
傳呼賜賈昌五侯七貴爭雄長武騎才官為惆
悵青駸金距莫相當貴里繁華矜是日六軍小
兒俱赫奕九衢雙闕夾飛龍萬戶千門動行色
千門萬戶無生涯日日承恩不到家憶昔開元
全盛日空令識者久咨嗟

春思曲

江南花時二三月少婦乘春逐芳節心性穩
恹含清真弄影晴川自流悅青絲刺帶錦作囊寶

扇輕搖翡翠光芒房露冷春窓火蘭迳烟開粉
膩香七彩明璫九華佩紫綬文羅掩秋翠繡額
花叢千萬色玉腕竒姿散春媚含思絨情不相
識步步遺芳去無跡迴簪轉黛飛參差纔過東
城又南陌南陌東城春事淡離思杳杳花陰陰
坐對流鶯啼歇處閒窺清鏡理瑤琴晨鷗淒清
不可聞恨斷吳烟怨楚雲自是琴心挑不得還
同孤月向黃昏

明月引

明月入我懷又照青樓上青樓十年音信疏自
憐憔悴芙蓉帳芙蓉帳冷夢難通珠簾的的照
遊空漢宮思婦調砧切梁苑詞臣屬句工已看
落葉驚秋早影落銀牀淨如掃溽溽玉露夜河
殘幾處啼鶻怨將曉君不見關山萬里度應難
萬里隨人去不還只今織得鴛鴦綺定寄關山
第幾山

大風歌

隆慶三年閏六月大風五日海水沸溢海孺

之民被深溺者殆以萬計作此紀之

胡天積氣盛鬱勃不得吐怒號長風倒海射飛
雨扶桑摧若木傾似將吹隨五岳与地平日月
不照耀萬竅以哀鳴天本無心當復何施或云
厭炎虐焦灼流膏脂唱白帝驅祝融清涼八區
欲使體寧而意充又胡不細察一齊人窮漂溺
萬姓害稼穡寒暑變俄頃邪氣還攻种獨抱疾
常色色天地至廣如不容顏得塞土囊剗箕舌
微令飄冷以脩通然後披冲襟上蘭宮頌說聖

時高賦陳雌雄

絕纓曲

春風遲遲催早鶯啼花宛轉音最輕坐中俠客
語半醒穠魂豔魄蕩春情春情復何有度曲送
春聲春聲易醉月未起華燭滅來心已死芙蓉
紫袖多斷纓謂是楚王能好士

學仙

昔人學道常山中兄弟積習九十年勤求素書
凡七卷三人誦讀俱精堅青雌宛宛見白鹿一

試不過心茫然唐公雞犬盡輕舉茅家兄弟皆
得仙由來至誠合天道霞門寂絕無板綠世人
仰望不可見唯餘壇館禮蒼烟

画山水歌

連山波浪隨岨嶸朝朝出雲多作陰復有飛泉
出雲上迷巒幕岫增重溪人家近住路還絕家
家種田飯香雪果熟頻將猿狖爭酒醞不綠宿
客設漢陰抱甕如苔閒處處疏泉灌石田每歲
桃花春水漲時看天際下漁舡

蘭草花

中園百草俱作花不及蘭花柰若何紫莖綠葉
搖素波回風蕩日氣妍和開幃捲幕芬藹多繁
絃急管送春歌結褵紉佩遺湘娥獨念孤芳與
衆異往往零落委江沱

蠓螺茶歌

陽崖陰林草性靈蠓螺二月茶芽生紫芽連卷
青未吐處處報春山鳥鳴高雲行空露華碧新
雷已過衆壑晴筠籠芳鮮採摘成窠口焙來誇

命作蒸先生集卷之四
至精壑源陽羨空有名自餘諸焙皆可輕豈知
天產合幽寂最後始出人更驚得之不減玉與
瓊開緘試新手自烹冽泉甘澄腴飽露綠烟旖
旒啼春鶯小昂初看火候勻精氣漠漠紛蘭英
素瓷吹香淨肌骨往往似與真意并高齋晝眠
還獨醒靜待松月流孤清王濛好飲不解飲陸
羽毀茶室有經枉使千峰待逋客無復雲霞淡
處行

姑蘇驛樓

高城如烟起長洲千山亂入青滿樓吳王歌舞
猶未休美人如花笑吳鈞西風吹急寒鳥落日
暮黃雲人正愁

妾薄命

隆慶二年春有訛言詔採江南女子充奉掖
庭一特民間聞之惶怖若狂雖紳冕之族往
往不待媒妁造次結褵莫能禁制遂使年齒
失倫門素非偶薰蕕淪雜追悔無由竊以政
教不失其御則國無妖訛婚姻不失其時則

民無怨曠厥所由來誠非一日因紹古詞撰
妾薄命一篇以憫其生不逢時而亦不敢專
有所刺也

江南初月上春時忽記丹詔採蛾眉自是潘揚
非舊匹由來河漢不言期喧喧簫鼓東西去寶
馬香車塞路垂家家共灑長門泣處處俱嫌隔
蒼遲不用黃金連理監須臾便結同心蘭蹇脩
寧藉禮花燭自成歡紛紛桃李競空取路傍觀
紛紛桃李競繁華飛來飛去落誰家一生誤嫁

嗟何及祇是妝成怨曉鴉

繡枕歌

太康何氏女嫁同縣劉氏七年而夫死輒出
嫁時所繡枕焚之其光中灼爍焰如蓮花比
夜半遂自經死人皆以為精誠所感余高其
行為詩歌以著其義烈云

劉家高行世所稱明心直與古烈并良人早殞
腸斷絕一朝身死鴻毛輕自憐嫁時雙繡枕百
絲纏綿情更甚願得終始當千齡願得千齡同

一情鴛央機中不成匹枕上之淚何時晴迴持
雙枕燒作灰婉婉蓮花焰裏開焰裡蓮花燒不
滅蓮卷堪从明心潔皇天自是感精誠當時一
哭梁山傾天長地遠恨難沒誰為飛章上帝京

周方伯遺滇南小劔歌

我公歸來覲軒轅滇南萬里無停軒遺我小劔
不盈尺魚皮貼鞘珠躑躑寶鐔照人如照水精
光黯与元氣存凜然相顧出寒液雄心未死口
不言始知蛟龍變化豈在大斯須勢与滄溟會

願得置之懷袖間
益壽延年辟災害
安用耿耿倚天外

松雲歌贈邑明府大梁王公

吾聞嵩山之天門
上有萬接之古松
千年莓苔積翠洗
不落龍鱗夭矯搖
青葱有時峰移岫
轉曠暖勢莫分片片
飛出蒼梧雲紫枝
透葉斷復續山光
雨氣相氤氳松鬱鬱
雲陰陰其材可以
棟大廈其潤可以濡
甘霖神君為政本
同調對此徃徃開
雄心君不見王喬之
鳥處子琴形骸

之外安可尋由來君子貴遠託未許常情知淺
深

折楊柳送同別駕胤昌之武岡

江南折楊柳都逐上春來楊柳初發時衆花俱
未開可憐芳菲色直自間江梅依依夾官渡連
連到章臺短條不堪折長條已染苔長條短條
千萬條一一盡向春風嬌交垂翠織鴛鴦帶合
吹象椀鳳凰簫共道青絲勝馬尾紫烟卷雪絲
絲起長條折盡短條長相別相思那可忘思君

一別渡湘水巫峽巫山幾千里巫山巫峽盡啼
猿朝朝暮暮猿聲裏芳蘿已抽綠蘭翹又含紫
賈誼仍懷吊屈平長沙非復淹才子君行定得
幾年歸莫厭傷心楊柳枝與君為作楊柳曲曲
中併是係相思

燕臺歌送張師周入京

昭王昔日思雄才一言便築黃金臺黃金可輕
士可貴往往至今賢譽來何況天子坐明堂
宵衣旰食攬八荒榮光休氣徧嶽谷志士豈合

空摧藏君有雄心世罕比
兩世一家拖青紫時
人注意皆向君莫言別後無知己
乘乾南玉河北燕臺秋高磧雲黑
料君此時才轉雄臺上黃金是君得

征馬嘶送歸有光

白楊花飛江水黑江頭行人頭盡白
青山日出烟塵昏馬上誰為都門客
都門豪客長安兒葡萄百斛柳千絲
戎裝玉駿邯鄲姬虎旗繡簇紅
鷄啼長安三月春未暮城中不見遊人歸遊人

歸醉滿堤青草長征馬嘶

范公柏歌贈三晉王公

范公種柏講堂前種時不知今幾年年多崛強
鱗甲拆上株擘裂下株連一株倒生欲垂地此
豈有意皆天然目燥心開脂髓良沉沉古色破
新光氣竒已歷將軍坐節勁還凌御史霜世人
見之皆愛惜不獨此樹傳芬芳更聞靈實尤堪
餌餌得長生赤松子此日王喬飛鳥來來從至
此心徘徊自是丹青寫殊狀願追松子蓬山上

雲峰歌贈廬陵朱學諭

武華之峰稱最雄一峰獨秀當空中中含秀色
不可盡白雲萬古長濛濛忽然雲去峰亦開崕
嶢積翠如莓苔平林曉日動高影半壁落月浮
清埃廣文先生峰下居時看峰際雲飛來白首
明經不得意薄游至此衆莫猜心開妙論發未
有絳帷深坐陶羣才余亦沉淪無所得十年閑
門仍屣跡振懷為贈雲峰歌為勸先生峰下石

小松歌贈朱山人

康河之精徂徠骨帶露凝烟纔數尺天與一氣
表貞幹蒼然已有千歲色嘗聞百抱龍鱗身青
牛伏龜最有神秀頂高盤宿鸞鳳蕭蕭獨出辭
風塵豈知異物同精氣此種應看不殊異朱君
年少如小松百抱已是松隣翁文采風流並稱
妙伎巧徃徃非人工我但聞之不相識題詩寄
君遙相憶

寄王憲使元美

王君才傑人共推秀眉白面玉不如鸞龍文章

世稀有二十詔 帝承明廬天開雲雨賜顏色
皆道君乘司馬車承恩久拜舍香署起草還成
拂衣去竭來歷使無停輪錄囚八郡多民譽矧
君嚴君勢益尊致身早建非常勳黃龍戍頭破
殘賊蕪燕驕嘶沱水雲上林葡萄新結募頌功
屢著先零文君二揚旌青海濱雕戈畫戟日紛
紛英風坐變齊兒俗對酒投壺遙想君君今別
來歲月淺感君於我情更親緘詞千里若咫尺
使我醉舞當青春春風浩蕩還相待吹我逸情

度青海青海何當一遇君
拂君玉帳登君壘玉
帳軒軒錦作堆
帳前解鞍歌落梅
此時雁去燕
還來馬色拖
谷相映開
雁去燕來堪別恨
花開花落還相催
相催還復催
恨別鄉能別
梅福尚為南昌尉
劉根未受韓衆訣
何時見就玉山岑
翠釜丹醺卧松雪

送願島祥計偕赴京師

江南二月陽春半
無朝無暮香風吹
院裏梅花皆布玉
堤邊楊柳盡成絲
滿堂送客催夜酒
為

問幾人能抗手，曉色偏將別思牽。別君與君情
更厚，君有天骨世所稀。世人皮相那得知，酩酊
時時見宏量。文章往往奪人奇，手註道經十萬
言。興來欲倒金壺沉，丹砂為金古來少。縱使安
期之應老，自料青雲已有期。濟時不合長枯槁，
東辭蓬萊白金闕，窸窣千門鑠秋月。月中花氣
皆天香，看君騎龍上天折。

送太僕丞周子霄赴遼陽

漢家天子重開邊，三十六苑相鉤連。官奴養馬

三十萬往往蕃息盈街阡爾來日苦用不足胡
騎憑陵恣馳逐都邑喧傳市駸馬萬里蕭條空
枵軸君今考牧向遼陽到日懸知春草長序涼
棧濕涸忠養佇令蕃息皆調良千羣凋儻筋骨
強矯首一一思騰驥老將見之應嘆息壯心却
復歆侯王羨君子此勲業竒不日承恩趨紫微
稱許待駕柏梁宴回指金鞭肯落暉

送梁石仲計偕赴京師

漢家宣帝稱中興能將儒術重明經白首計偕

有作原夕三十一
謁明主看君即是梁丘生
綠尊三月送君行
迷
樹連天烟霧青
處處落花啼百舌
家家搖蕩春
風情況復臨期
無白壁此心不惜向君傾

送納言張公遊武當山

丈人浪跡不可羈
云是漢時張子房
口內已辭
珪組事神中
唯有烟霞香
爾來年已七十五
鬢
髮未白筋力強
昔遊廬山意不足
今復南遊登
武當武當之高
拔地數千仞
勢凌五岳掩八荒
回巒皆嶂春
茫茫羣仙嬉
遊吹鳳凰
燒金煉玉

與世絕別使天路通奇光獨有丈人能獨往問
以長生不死之藥方呼龍馭鶴紫霄上白日丹
宮朝玉皇何時歸來為我起沉痾授以雲笈分
霞漿

寄贈吳興范脩撰

長安三月尚飛雪層冰萬里生闌干胡雛弓強
挽不開趨輸帳薄孤裘單范戾蹭蹬一朝叢壯
心豈暇愁春寒文章有神亦有時此時射榮人
莫知一當明主長高價聲馳四海無風吹朝

來謁主開九重瓊筵綺食羅雲宮仗出金宮驕
駿馬風光去處搖香駿衆驚秘訣疑可傳郢斤
未必人皆適古來效顰徒自醜我今骯髒隨冥
鴻張君遠來邀我歌自愧飛沉荼爾何詞卑意
促不可盡蒼茫却掩商山阿

長歌行送子與北上

子與書云今刑部尚書黃公名光昇初令長
興甚有惠政子與為童子時立見識拔恩禮
絕異公去後吏民見思為立祠五峰山中歲

久隱翳子與屬王元美為祠記又欲得余書
勒石以新公之德其不能辭遂往至山中由
是益知黃公於子與有國士之遇今子與舉
進士名能文章為守汝寧則麟生于郊有中
和樂職之應是公誠能知人不特治行然也
夫子與之賢必當為世所慕悅而妬者卒莫
能容復以讒沮方當補官總轡言別余亦阻
風湖口聊摠長歌行一篇以見鄙志

黃公昔彈單父琴長與萬姓思至今就中徐君

特秀出提携拂拭恩最深每憶公祠在五峰年
多隱翳難稱心願書新碑頌公德相邀共生蒼
山吟書罷驚看颯風雨脫贈珠裘傾百金豐狐
爛日生早霞連錢霧豹黃金花天成文章不彫
飾粉圖五雲安足誇相如落魄好飲酒鵬鷖但
佳揚昌家知君結交有終始世情恥學東流水
懷恩欲報無所惜今日君心復如此嘗為汝寧
大有聲麒麟出郊賀政成誰謂才多用翻拙青
蠅一點憎連城鯤鯨失勢制螻螳腹中五岳詎

可卒昨來別酒情更真明朝欲度浮雲征高堂
寒戀聊捧檄此行豈是希榮名 聖朝雨露江
海寬胡為獨嗟行路難余亦辭君渡湖口咫尺
欲進愁濤濶行路難日已遠素書莫寄雙鯉魚
北望長懷帶應緩

送楊別駕之大名

侯建寧人文
敏公榮之後

我聞楊侯大賢後點筆能使風塵開嘗為天曹
不稱意三年官冷隨蒿萊諸公見之皆歎息豈
容久困非常才爾來聲名不可當一朝瑞氣眉

間黃呂虔有力不敢佩錢鄉有蟹不敢嘗春風
三月漳河道此時相歡滿懷抱丈夫用世固有
時富貴寧須致身早嗟我閉門多苦心皆道楊
侯知我深前年過門不相值未知何地還披襟
此去雲山杳千里南來不惜寄徽音

巨鼇歌送王子敬子欽兄弟會試北上

君之大父岳伯尊雄才脫畧無比倫身苗逆藩
氣不奪世上猶未知公真天獨振耀公子孫君
今兄弟才力均文章璀璨皆遇賞青雲廓落辭

埃塵明年射策蓬萊殿一朝齊名共爭羨
懸知明主賜衣財復道承恩向春宴
此時春草如青袍銀鞍玉駿聯金鑿
千年巨鼇掣海水時來不為夷亭潮
我今落魄如沉沉檐前烏啼人跡稀
何當遠景灼寒素使我寤寐生光輝

贈歛方同科

嗟予衰頹如窮秋十年瘠首無時瘳
吳綿裝輕不暖體紫貂蒙茸長裹頭
方君為詩有聲久千里命駕來相求
幽棲往往與世絕門前有刺無

人收歡然反謂太古人相知海內心最親篋中
舊草已蕪沒一見便覺生陽春建安以來誰復
知長松落落無妍姿嬌花穠葉世爭取一朝落
盡如沉泥君有竒心與余合兩日從君掃塵榻
明朝別我更有情杯中蛛蟻還自傾相期共訪
黃山裏行采真茶石上烹

送蔣生歸鄖陽

春來雨雪寒惺惺鄖陽歸客那可停離離鄂樹
霧中黑苒苒江蘭烟際青天長道遠行人少此

日賢兄詠春草尊中綠蟻安可辭懸知醉後情
傾倒

送劉山人歸由拳

永嘉鮑生稱善爽于今國手人莫敵近時又得
顏與李三人往往同破的劉君五月來由拳言
嘗遇鮑纔雙先青州兄弟好竒者閉之樓上將
窮年比訪青州初識君饒先七子星滿天初疑
下手猶眼前忽驚傍擊復斜穿沉精九路盡竒
伏注視不動心確然陷之死地反得生乘危據

險不作聯腹中新勢日千變世上藝經空復傳
憶昔嫖姚好方畧心輕古法如纏縛始知制勝
在一時不用閒心枉隄度明年此日君何許懸
想饒人嘯儔侶安得東山起謝安任君賭取山
陰墅

郭將軍歌

漢家烽火東海傍奔鯨壓浪吹天狼將軍受詔
辭劍門拔劍起舞心飛揚三杯走馬一萬里來
時不知道路長萬里橫行決海雲連旗轉戰日

紛紛獨當一隊破堅陣斬得名王不顧勲曾養
生俘留部曲時賞金錢結心腹去年行間收奇
功果叶英謀不遺鏃功多冠軍名日高黃金刺
帶明珠袍。天子非常賜恩寵臨戎大拜羅旌
旄一星光彩動西落海上春來罷宵柝身作長
城此地偏三軍解鞍但晏眠柝聲駭駒獵平田
田間草深綠如烟草深沒麋射不得將軍射之
卻盈千帳中往往夜擊鼓銀瓶玉缸酒如乳重
延詞客更投壺月白參橫未開戶自是將軍動

若神天聲四震無風塵古來名將誰可比直作
麒麟第一人

贈善相郁居士

先生高臥知止足背城而居面清澳梧陰滿地
六月涼晴苔一色連溪竹平疇繞舍就耕作隱
處依然自成俗秋塲夜築新穀香獨進芳醪不
辭濁仍將妙識鑒人倫坐蒲烟扉走華轂嗟予
淪誤無所預雄心已盡唯肌肉自知須賤日枯
槁令我形骸轉羈束

贈性公

性公老禪僧中傑目似青蓮心似鏡
天花結髮垂龐眉香氣隨風生頂穴心持貝葉日千遍
手拄糊猴藤百節庭前柏子菩提青階下澄谿無
惱熱經行處處藏烟霧住世無心路長絕我來
蘭若多年所自笑鳩留困于此吾師五指能四
分僧跋時時還入耳何年更乞甘露偈一灑清
涼潤肌髓

貽王元美

北風撼天夜半來黑雲如山勢欲摧
含沙凍雨捲飛雪空中黯黯梨花開
劉伶龜手醉不得高陽酒徒面死灰
紅爐滿堂光焰短一日徒傾三百杯
長河此月無人行都生管裡吹作水
君家得意正留客暖氣偏從東海蒸
誰憶表生掩扉卧白頭敗絮相陵競

送慈谿吳志道再往邵武謁吳使君

吳君有詩合風騷能歡邵武遺絳袍
留之累月意未已邀以再往酣春膠
君今又向汝南去仍

能醒藉傾吾曹我昔嘗為邵武賞時來訪我操
輕舳惜哉不遇枉空札至今寤寐思英豪春風
拂拂還送君千嶮萬壑清猿聞此中邵武有佳
句解道初衣傲白雲

文內翰所藏趙魏公畫馬歌

大宛西來七十城吾聞駮馬名河精一夜飛騰
渥洼水四蹄踏鍊繞山行此馬神俊久稱絕初
在衆中誰更別猛氣猶帶龍宮腥自是當時驚
汗血胡雲如花翻入空獻狀新從鳳苑中蹴踏

寒禁葱頰雪肯隨鹿馬鳴春風今之画图二馬
轉嶠崿恍惚真龍此其匹奚官錦袍丹砂濃
韉掣電開金鏤拳毛颯颯勢欲動似向萬里
竒功丹青豈能得如此嗟哉魏公絕代工一筆
真能辨情性九方初識天機同枉使黃金買枯
骨圖上空憐逸態雄

王尚書古松障子歌

王公名以祈

陵山之松世不常誰能画此生華堂壯哉高
得地勢氣霧匝匝森開張根株叢從自太古

盪六氣升朝陽上枝下枝霜雪疆千葉萬葉珠
璣香泛月遙承九霄露偃蓋下拂三珠光有時
變化合蒼烟紫鱗丰蛻俄出淵橫空攢雨陰未
落慷慨淡蕩黑來長天左擎右攫不相讓由來異
物難為狀徂徠嵩華何足驚對此蕭然覺神王
嘗聞伏生與偓佺自言采服乃得仙世上後者
棟梁用豈知此物能長年

金翅鳥食龍歌

西方有鳥未識名翅羽絕勝閣浮金日食四生

龍一食五百勢莫禁俄觀珍圖上画出茲鳥糕
燒天欲火乾沃焦龍王空宮白骨高蛟鼉腥臊
不充腹中有一龍拆穎流瓊膏上躡天戶驅風
霆下推地軸走百靈龍兮龍兮悅惚變化徒狡
獪未脫煩惱皆塵形始知禪那願力殊一縷可
活千龍軀手足可斷復可續恐體何惜它人須
不然天地難廣大雄吞弱死墮苦海浩浩之劫
終與塵灰俱

獅子搏虎歌

黑雲插松崖壯氣長不開下有猛虎穴養子深
林獨往來冥冥棘徑苦竹長毒苔遠谿吹野香
東海黃公厥無力北平將軍射不得前岡有獸
筋骨奇蒙茸斗尾黃金縷須臾拉虎如拉螻咆
哮踞地聲不起腥風射沙日色死鈎爪長牙貫
心髓當時自矜百獸雄朝食赤麋暮黃熊豐稔
五色爛霞彩一朝委骨空山中又聞魏武經白
狼道逢此獸勢莫當忽驚有物扼其頰遂殺此
獸橫車傍始知勇力會有竭折時焉能恃之久

不亡君不見秦興漢滅翻覆本無常千年萬年
哀國殤秋風碧燐天茫茫

龍水圖

有客示我蒼龍圖開圖黯黯如潑墨春雷十日
晁霹靂長身天矯倔強極鱗甲寒腥角尾古千
年偃伏今始得出沒震蕩雲海翻珠光晶瑩日
無色虛游萬里不以力往往反覺天地逼嗟哉
異才亦復同變化恍惚汗泥中斯須雲雨遍九
域能使枯槁皆豐形題詩與君思轉逸觀此不

獨最神筆

画竹歌贈彭明府

蕭蕭萬莖竹一一抽琅玕亭亭曉拂暎天色滴
滴夜垂空露團密葉低攢烟雨暝長根曲走蛇
蛟蟠六月赤雲燒土乾火山熱坂焦飛翰時聞
哀響激金奏此中自有清風寒又如去冬十二
月層冰嵯峨積飛雪千山木落顏色改白日匿
景行人絕此中含彩獨青青羞比春榮競高節
古來愛此全堅貞伶倫吹之學鳳鳴遂偶雲和

奏天闕共協箫韶登九成
壺侯壺侯還復同天
書此日徵夔龍應知高節不為苦
寒易南威赫
處但覺浙浙流清風人謂丹青有殊智象外真
能更生意

周使君丹臺五松圖歌

五松拔地無附枝
霜根紋石苔
蘚皮龍鱗長身
天矯疑變化
半是千年雲霧之所為
旁插高崖
色如墨
欲雨不雨無晴時
中有神泉百道蒸陰
霏飄灑細葉含珠璣
流脂潤液長芝草
列仙之

人咸來選擇，軟熟充朝飢。金華太守南昌仙，上
通大道合自然。時能却粒養真氣，案頭唯有古
苔篇。古苔冥冥絕塵想，偶閱珎圖足心賞。三山
自是協幽期，名署丹臺未能往。松風颯颯清我
襟，為君微吟寫君心。遙訪芝田十萬戶，吹笙駕
鶴相追尋。

孫少府蒲萄圖歌

嘗聞漢使來西極，移植蒲萄上林側。長條百丈
蛟螭蟠，密葉千重烟霧色。青青滿架當朱陽，紫

瓊亂漬垂芬芳除煩解飲破甘液掩露更覺靈
味長又聞釀酒氣至醇遠過宜城曲水春曾經
武帝下神母此果豈比他方珍誰能画此意最
深為君分作滿堂陰詎知可玩不可摘終歲偏
諧靜者心

與沈隱君撫馬鞍山石歌

沈君有石四十年色如積雪含秋烟連巒疊嶂
不盈尺復有洞穴多旁穿嘗聞墮地忽摧折天
骨至今皆可憐君能知我性尤僻不惜携來破

岑寂年溪往往苔蘚痕自汲流泉日衝激恍疑
烟川雪欲消晶光射日驚波濤初意還君翻自
惜摩挲再拜心為勞憶昔胡公與李白曾以白
鷗換雙鬢君應自學胡公莫學相如賤頭額

險竿行

東海女兒年十三花鬢婀娜氣若蘭百尺長竿
豎平地掀身直上蓮花盃蓮花盃盃露纖足足
半蹴踏青雲端偷纏寶鏡當中心竿頭窵旋如
飛鸞四肢無骨似無力東倒西傾着不得反腰

掛影忽疑隨千人齊呼萬人和
須臾騰上勢轉急使我愁看入
還坐嘗聞陷陣劉將軍心膽頭
死不願生見之往往氣欲奪
擲與金銀稱絕能始知大娘舞
魚龍一時見之以為異試看今日
險竿兒自是人間不常事

贈詹生龍澗

憶昔嘗游虞仲山山陰半日長
松間松長葉深人絕跡惟有破
龍之水流潺湲詹生歌聲若流水
家住澗南無十里一杯一曲聲
轉清朱陽遲

遲如有情曲終相顧不能起何日再聽還洗耳
送太倉宋學官遷國子助教

宋公有才不遇時屢試春官人罕知低頭受駭
東海上三年教成聲始馳尔來補官官獨冷有
才不遇將何為吾聞天子方急賢况復四海多
瘡痍此時用世在公等如公豈合長數竒春風
吹雪寒淒淒征車鼙鼙往京師逢時不用九府
辟一日騫騰知是誰

秋夜長

木葉微脫夜初長白苧蕭瑟體清康同巷相從
樂未央思君豈遠終異疆明月無心直入房翠
盤金爵徒悲傷妾獨有此未敢嘗

送吳純甫會試之京師

吳地一尺冰長安一文雪青氈帳薄狐裘單燕
姬宿首琵琶折吳君磊落天下稀苦寒之聲安
足悲青眼長鳴蹴寒月對此可以增光輝風塵
蹭蹬亦何為寒盡雒陽春簇時紛紛射榮長楊
殿袅娜金堤御柳絲紫清陸離金碧瓦羽林侍

兒梳花馬梳花馬珊瑚鞭君但乘之朝玉京我
騎白鹿昇青天

老將行

君不見黃河之水戰士血萬里胡霜白於雪巔
崖恠谷常陰陰北風吹落天山月自從辭家賀
關走弃置中原忽已久戰馬吞聲風土惡未戰
癰疽生左肘殺氣如雲衝北印死生半隨強胡
手燕姬對舞捲貂裘胡兒半醉歌莫愁歌聲別
是胡人語老將聞之淚如雨焚火白骨燒軍營

力盡戎行未有名一戰空城死麾下樹勛幸免
咸陽烹

送徐玗明觀察之武昌

昔日景王初在藩勢欲併兼方橫行君為荊州
不茹吐身投熾焰鴻毛輕壯節難伸即易屈十
年困躓逢時清天子聽睿過周成公卿戮力皆
忠貞芳蘭擢拔無遺本看君此時致身穩赤心
報上不顧私三綵武昌楊柳枝事平偽顯名愈
出豈如往歲多淹遲沅湘未必離憂地富貴大

抵非人為自余知君各不疑爾來已是深相知
道隨杯酒意不盡千里長江勞夢思

郎官柏歌贈許給事

郎官種柏今幾春託根乃在玉山之白雲中心
十圍養精氣時流汁液通竒芬蒼皮點點莓苔
色赤劔往往波濤文堅貞寧避雷與霜正直還
堪棟作梁地清那得塵埃雜葉密偏含日月光
泰山千株詎足數華林兩樹不相當未央神鵲
時能過中臺老麝自飄香別有離離實最良仙

人却取長生方此日珠圖寫珠狀挂石青璫之
高堂願比南山歌壽昌與地等久天齊長

送姚知道北遊

春來無花雪作花落蒼牛落山人家朝扉不開
花滿地昨夜故人尺書至書中徃徃傷春心復
道離家北游事開書感君仍送君長安貴人誰
取親如君豈是憔悴者片言合意皆陽春昔日
杜南歌莫哀能開抑塞磊落之奇才君聽我歌
亦如此會看一日辭蒿萊

楊花舞歌

武昌城頭啼早鴉
章臺長條俱作花
邯鄲小婦少留家
衝花拂曙藏香車
官渡營前日欲斜
春風一夜繞天涯
塞外征人衣帶緩
青冢雖青草猶短
學得新聲調細管
無事亂吹鴈
即斷柀花紅顏
安得常婉婉
恩厚酒濃莫辭滿

竹枝舞歌

巴丘雨多無絕時
江蘭萎謝汀芷稀
唯有檀欒青竹枝
含烟泣露無改移
巴人能歌還制詞
流

聲度曲令參差管清調急月將落風輕裏長卷
秋葯濟房曲筵隔阿閣啣雲玉杯細斟酌人生
百年能得幾時樂願保貞心永照灼

幽蘭舞歌

春風吹罷鷓鴣悲沅湘草長無路垂垂璫紉珮
停路岐獨采芙蓉涉江湄幽蘭孤貞世難知雖
有芬芳當過時盛年流邁不淹遲朱唇含笑復
含悽熾熾素手弄朱絲一聲一聲故愛移何為
九山連綿名九疑令人咨嗟枉相期

夜猿啼

夜猿啼朝啼人不覺夜啼聲更悽悽悽明月夜
度月落已西月向西落山後楚塞外常時接
山鬼幾處吊湘君聲斷罷還續近聽復遙聞近
聽似舍巫峽兩遙聞已入蒼梧雲蒼梧巫峽杳
冥冥萬古愁生此夜聲那將棄婦出詎遣逐
臣行夜猿啼夜啼聲更長切切冷冷鷺落葉遙
遙夜夜雜繁霜山悲能吞響聲多自斷腸君不
見垂藤古木聲最多三聲雷裳柰若何何為離

家遠相過又不見激楚回風音更促若比猿啼
非怨曲絨情凝思不忍聽自知無愁愁自足

王穀祥画五色牡丹歌為永加王大參題

百花開在牡丹前細碎飄零那可憐獨有牡丹
春盡發花開別是一般妍千房膩紫風吹圻萬
朶嬌紅日炙鮮嫩白輕黃亦無數凝情轉態相
縈牽石家蠟燭寧須火荀令香鑪不帶烟戲蝶
雙雙求粉入游蜂隊隊抱香眠此花不信人間
有占得春光半月天江北江南同此月傾城傾

國被花顏吳綉窻下剪難好蜀錦江邊織未便
一遇名工揮彩筆玆圖已向高堂懸濃調五色
爛霞景富貴真堪助綺筵不在衛公宅畔迷彫
佩不在西明寺裡媚青蓮海上桃花開不落臺
中柏樹老還堅試比年年圖上色聊將一曲奏
神仙

贈戴郎

戴郎識曲音調精馬融長笛子晉笙含宮激羽
抑隱輕好作龍吟兼鳳鳴繁音促節時代轉能

倚嬌歌成一聲閒館曲房聲最清春江花月又
多情香車狎近時留聽寶馬迴鞭不肯行若使
揚朱唇按玉指管中蘭氣吹入耳不須曲終便
欲死

晚山庭

黃鷹獨過山庭暮欲語不語顏色苦岬高青草
叫亂蛙風急漁船暗燈火

讀管晏傳有感

憶昔管晏稱才雄奔走諸侯天下空兵強國富

衆莫敵匹夫能成震主功子長記事不及此只
記知人與知己鮑幹之賢曰友生石父之賢起
妻子知己知人良獨難此事豈在形骸間嗟余
淪落無所遇白日焦紅忽頽暮已知此世無兩
公自合辭舌埋蒿蓬

龍劍出匣歌

君不見匣中劍寶光射天天為寒况當玄冬十
二月海水百丈生闌干君今匣之走長安龍精
感氣雷盤盤忽驚出匣人競看尚方之劍青斑

斑無乃古澁存空觀豈若此劍新出匣
天子何不急用之坐使四海皆安瀾

天馬歌

漢之武王好武功西通雪嶺西萬里塵沙空時
有天馬汗赤血上從前膊小孔中目掣電尾捎
風澁注水底騰真龍單于小隊未會識駑駘萬
匹相雌雄豈知異物生異域一來入御驚天聰
新開首著苑同築葡萄宮皇帝坐明堂歌馬德
巡五岳拊八極小臣再拜稱萬壽百姓安樂忘

帝力

寒鴉吟

高堂羅幕推雕梁
九華帳中辭錦衾
寒鴉蕭蕭落木陰
不隨嬌鳥啼春花
獨自含思怨慕深
寒鴉吟愁人心

虎丘茶歌詠周仲子

君昨遺我虎丘芽
不數仙掌丹丘茶
婆娑百本祇園裏
年年採摘供豪家
家分鉢兩貴金玉何
幸緘封到茅屋
不信能令羽翼生
先試緗花浸

新綠新綠吹香露
芽早釀稱酒德
稱茶道憐君
亂踏虎丘雲
使我胸中蕩憂抱

清明得出字前平後仄

少年意氣誰得當
一生結客在平陽
競逐風光
行樂處千金醉
宿邯鄲
娼邯鄲
花底迷朝日
睡起相看意逾密
更將留宿待
素晨
欲笑還啼
歌舞出

送徐郎中子與還汀州太守

使君有逸翮
脫畧辭風塵
清冰玉壺映寒雪
投

軀早致要路津一從受命彤庭裏揚眉轉眄白
日新深徃豈無鄒陽客密網一解天地春興未
灑筆如有神雕文藻思稱絕倫論交未許當世
士何意遠顧蓬蒿人邀歡痛飲不作難傾蓋忽
復欣盈旬物情徃徃棄疵賤高義特與風期親
由來黜貶非所惜憐我傾家無甌石鳧翁濯錦
未提銀筍中黃潤織葛白窮愁那得復有此使
我驚起仍悲辛鸚鳴時山葉滿乍逢還別腸
堪斷一辭仙署越江邊荔枝花發南雲暖雲光

辭伴蘇州生集卷一 卷中
海色花氤氳使君之去乘朱輪千嶽萬壑開大
府盡令草木含清真空庭宛宛見白鹿歲歲扶
輪慰風俗漢家循吏十八人却掩高名待君足
君行幾時可得還目極萬里心茫然清光可望
不可挹門前流水空潺湲祇應別後書來少不
惜先傳臨海篇

送鄒駙馬獻壽還京師

將軍風骨無塵容十六尚主明光宮是時天
子多隆眷殿頭騎出浮雲駮高門甲第連朱邸

寶蓋香車若流水時傳賜子出金銀鸞鳳管
天中起鳳管鸞簫散綵烟平陽歌舞歌芳年
天子重憐禁鬱壻承恩日日去朝天此日恩華
真莫比願得捐軀報天子批鱗一諫世莫知
自言臣罪當誅死去國三年秋復春拂衣長嘯
謝時人苦心往往申長句古意時時追隱淪
來每汎清江曲復得尋山徧春谷紛紛磻戶百
重花窈窕雲房一叢竹磻戶雲房非世情丹砂
可學幾時成清都咫尺九天上又欲騎龍朝

帝京帝京迢迢三千里獨抱丹心未能已龍顏
會解自有時時來不得推真理裊榮反覆本無
端自是如天法令寬聞道彤庭初獻壽春風幾
日到長安

謝王敬文推官寄建谿秋蘭兼要游武夷
山

建谿之山多翠沙沙中積翠生蘭花人家遠山
得花種朝朝賣花衝曉鷗王君有才詞詔少詔
息時予散衙早時披花譜記澆時庭前種蘭如

程草去月人來惠我書自副孟蘭花尚舒提携
走險二千里開書對死存起居名藉藉滿羣
口我病虛煩歷時久花氣依人每欲瘵見君為
人情更厚復道武夷天下殊青崖拔地無根株
九谿灣深洗崕脚恍疑天鏡開蓬壺仙事紛紛
遺臼杵昨暫躋攀欲輕舉此時孤賞恨莫同邀
我相携入雲去遙翫蘭爰期歲寒欲往不得空
長歎秋清興遠隔天末日昭瓊枝思所歡

安樂謠贈南陽太守徐子言

使君握虎符赫赫專城居奉公守正法令至簡
吏民不侵漁化姦為良銷劔為鉏盜賊稀息囹
圜以空虛 農田盈原野苗蔬賴密百姓殷富
家有河渠書田畷至喜三年耕有九年之儲

吏廉食道旁鳥未攫肉不能驅斑叟不負戴銘
稚不掩雒市無豫價道委遺金咸知禮讓若愚
庶庶直繩當義不躊躇卒逢艱虞皇帝賢明
登用俊乂使君願得輸力宣布德化歌之於康
衢 使君行野伏熊軾乘斑輪百姓安樂鳳凰

荆於郊神雀集其庭連理並植芝草叢生前有
名父後有杜母今徐君世世有賢名

送梁伯龍游太山西登嵩少遂入秦中望

寒垣詩一首

梁生四十仍落魄徃徃壯心魚壯遊東行還訪
二千石愛看海市經萊州珠璣五色散文錦桂
席獨徃窮冥搜自言四月上泰山雲霧穿窈青
冥間金泥玉檢復安在七十二君空徃還天門
浩蕩望不及中歎白日凋朱顏興來却感濟南

生一冠已挂鴻毛輕嘗登太華五千仞攀崖躡
磴隨烟升著書時誇建安作舉世未許人知名
去冬書來通我心惠盈一帑喜欲驚爾到須開
蔣生徑倒屣出戶懼相迎相懼相憶復堪嗟西
辭嵩少採三花更向秦關窺紫塞咸陽萬里飛
胡沙悲笳亂動秦關月胡沙茫茫皎白雪剌龍
漢使髮垂銀射鹿胡奴淚成血此間王公我所
親只今海內惟知音時參大府政多暇一見能
使無歸心人生行樂自有期我為長歌遠致之

春風鴻雁南來少，莫懶鄉書慰所思。

龍別駕黔中八景圖歌

三江浩浩波連山，金龍嵯峨出雲間。遙看落日
下蒼藹，孤帆不動浮澄灣。還聞三洞剖半壁，攢
靈疊恠與世隔。一朝神界救花坊，自是游塵日
交積。別有孤峰削不成，天開秀色青崢嶸。昭王
空營古魚井，寒泉明青陂。曉霧暗迷暮沅汀，夜
月流光晶。又聞藕花香爛熳，溢金塘。駢枝並蒂
吐祥華，能使才彥揚芬芳。始知黔中腴，聚天下

無移來彩翠為珍圖
龍侯逸興足蕭爽新詩往
往含隋珠只今惠政多
美譽清謠已結滄洲隅
行將上最列九府何必長吟思故都

葉氏菴竹草堂歌

莊公少年拜夕郎日有封事能勤王後來受命
擁羆虎長策大功在朔方又聞頌表衆益稱朱
絲之繩玉壺冰天曹洗手天子驚五世不滅
清貧聲摩挲九流十萬卷欲貯一椀終不成先
題菴竹系書目於今獨有空堂名公之玄孫後

且良積風已至將翱翔家藏遺書日編輯好述
祖德新為堂唐時相國李贄皇筆筆自記卒泉
庄竒花恠石徧巖谷斥逐未久皆夷荒如公子
孫真善述昔志未遂今能償始知古來貽謀貴
樹德然後一世可至百世藉藉垂芬芳

歲晏逢二子行

二子徐使君子
与王副使元美

憶昔少年好奇俠心輕豎儒鄙章句高歌寶劍
視白日青天低昂忽驚暮古人徃徃猶眼前結
友臨淄不能赴中遭病困無所逢幸逢二子肝

詹同時來顧我喜欲死壯心已落蓬蒿中誰知
二子多憔悴素標挿頭又何遽既來且復不須
史明朝別我東西去歲晏相看淚欲滋飲以定
州劃花瓷顏子痛飲勿復遲

送周孺允計偕赴上都

君家巖君不顧身能以直諫批龍鱗無人為脫
北門厄間關萬里窮悲辛大名難摧偉豎死一
朝敵納承明裏天聰忽悟迴恩榮皆道山東謝
安起

公名廣 武宗時為御史奏劾錢寧被
謫間道脫走寧誅累遷至南刑部侍郎向

來事往五十年看君壯心未復然讀書萬卷意
猶少往往落筆人爭傳時清運濶苦未達高歌
踴躍涼風前聞道石渠開寶書羣才絡繹無閑
居此時蔡公薦文禮騏驎何必終鹽車與君抗
手動秋色空懷逸興城東廬

徐汝寧被播後經吳門周公瑕王元美兄
弟載酒邀泛石湖分韻得容字

使君有才不可當青萍出匣生寒芒文章未為
當世用化作繞指蛟龍藏西辭汝水二千里五

月道路空荒涼一朝遂為吳門客往往論心重
金石爭鬪置酒浮大舟遙泛明湖入空碧空碧
沉沉夏葉多雲房澗戶聊相過舉杯慷慨邀落
日伸眉恥作夷門歌虛舟但養揚州鶴袖裏時
驚出新作從茲一別五湖西何日尋烟弄丹壑

南山虎皮歌謝曹昭服

曹生工文格不早結客好侯仍好奇高秋獨夜
露肝膽贈我南山真虎皮山深氣偏鬱奇色萋
萋短毛皆勁直燁如松花落粉生片雲又如松

心裂作純漆文斑斕疑向霧中出林光日氣
相氤氳長尾橫拖霜瓜稀穰穰尚有百步威却
思向日深山裏鬼哭時聞穴中起野麋竹兔蓋
無聲正畫橫行入村市自是雄心不復猜身陷
穢圍難再開留得空皮長高價糴糴淺織慚絳
趨卷置高齋時感生累日拂拭生豪情黃昏燭
照勢欲動黑夜河翻看每驚更憐垂老興未已
長嘯還歌猛虎行

屈初画古松

古松巖礎多異色獨立空山人莫識
紋皮壓雪莓苔痕屈鐵攢柯半成墨
千葉齊生九粒竒落花滿地香風吹
含烟不動拂雲日長疑黑處藏妖魑
誰知画者意更別移向高堂景尤絕
豈若推沒空山時相與蒼藤老霜雪

憫艷尊并序

吳少君越人也性好名山六時遺意翰墨往
來多寄跡佛寺中嘗取艷精佳者日摩挲之
遂瑩澤色如蒸栗乃上通一竅腹傍作味以

淡紫細竹寸許為之其一傍以天台垂藤千
年蟠結者作把手名曰匏尊清古純朴可以
敵金罍玉尊之貴率提携自隨遇盜致毀賦
此憫之

吳君匏尊天所成狀如鳩夷臍下平紫琳一寸
味生腹蒼藤背上蟠蛟精摩挲萬徧變本質色
奪蒸栗別有情千里提携呼幾年舍光射日輕
且堅中藏雲漿可一斗自誇飲之能得僊昨來
憔悴荏苒間此尊已毀心茫然此尊雖毀此道

存一身去住唯空門今日相逢且傾倒賴有鷗
冠葛屨隨君老

送柴都事虞叙之越中

我聞越水遠碧山千巖萬壑流潺湲皎如明河
落天半空濛灑出浮雲間浮雲捲盡碧山月使
人對此無厭歇山中月色長向君薄領紛紛自
可輕綠尊取醉肯辭劇碎務何足羈豪情自憐
淪落無知音送君一去愁吾心遥望名山不可
到冥搜却賦夢遊吟

梅花舞歌

璇閨繡幕鈞曲瓊中庭紫梅無葉生長條
匿先着花花花當窓自分明芬菲麝烟流日精
吳刀楚製安足營美人至此久沉吟不願博山鑪
中蘇合香不願頭上金爵玳瑁之寶簪願得一
枝寫春心含高變徵翻入清吹音清夜歡娛極
當今

萬壺圖歌壽太倉守孫侯太夫人

青冥無塵玉作天珠樹萬丈羅紫煙銀濤高翻

洗日月方壺負嶠巖釣連緱山之鶴不知老朝

飲瑤池暮瑛田羽毛如霜六月寒逍遙直翔駕

群仙龍魚凌風弄海水空中笑傲飄飄然安期

羨門不可問靈砂飛丹知幾年芙蓉為衣顏色

解時騎白鹿戲雲間青童徊嬉玉女舞雙雙微

吟大曆篇西辭倏忽崑崙巔東遊滄海意渺綿

襪祥雜沓相周旋嶠州甜雪羅綺筵堂中今有

太夫人冰霜不數南岳賢髮白更黑玉齒堅蘭

蓀滿地開金萱願得人仙齊獻壽後而老還童顏

贈楊將軍

將軍八尺才且雄樓舡獨出雲海東紅雲如山
駕白日波濤浩蕩開鴻濛瀉瀉雲海變夷居雕
悍恣虐稽天誅徵兵羽檄徧羗落連年失律勞
訐謨是時將軍能奮勇誓身百戰天為動頻聞
獻捷功最多

天子憑軒賜新寵加諸將恩最饒玉帶麒麟
紫錦袍連營十萬盡高枕威聲不復浮腥鼉夫
人堂上開慈宴共喜黃星照吳甸承顏委曲真

俞仲蔚先生集卷之四
嬰兒指點中厨出珍膳初傳冬笋味絕殊復有
冰鱗玉雪飛涼風滿坐會賓客願將萬壽停朱
暉可憐慶門忠與孝毋享高年子年少他時作
頌有楊雄壯侯千古還同調